

OKÉ TAKE AWAY

**NOS SPECIAL
NOV. 22
PAG. 4**

746-3571



**MINISTER
ARENDs TA
ACTUALIZA
HABITANTENAN
DI PLAYA PABAO
RIBA MANEHO DI
DESPERDICIO**




WWW.SOLODIPUEBLO.COM



SOLODIPUEBLO@GMAIL.COM

POLISNAN ATENTO A PERSIGUI UN SUZUKI; DOS PERSONA DETENI Y ARMA DI CANDELA HAYA



PVV DI GEERT WILDERS A GANA ELECCION CU 37 ASIEN TO

Resultado di Eleccion na Hulanda ta conoci. Nan ta yame un "aardschuiving"! Geert Wilders di PVV a gana eleccion cu 37 asiento y ta un resultado cu a laga hopi hende sorprendi. Wilders di basta tempo caba kier protega Hulanda contra di e maneho di 'porta habri' y tambe riba hecho cu Hulanda ta gasta miyones y miyones den otro pais. Algun hasta ta considere racista pa expressionnan cu el'a haci den pasado. Sinembargo durante e eleccion aki, el'a suavisa su expresionnan.


Awor cu el'a gana cu 37 asiento, ainda mester cuminza e proceso di formacion pa mira ken ta forma cune. Pa yega na un mayoria, mester di por lo menos 76 asiento for di e total di 150 di Tweede Kamer.



MINISTER ENDY CROES A ATENDE E ACTO DI SEYO OFICIAL DI KAPEL DI ALTO VISTA COMO E PROME MONUMENTO PRIVA Y PROTEGI



CHAUFFEUR DI UN TOYOTA MARK X DETENI, DESPUES DI A CAUSA BOKSMENTO



Minister Dangui Oduber

KAPEL DI ALTO VISTA TA BIRA E PROME MONUMENTO PRIVA & PROTEHI CU SU SEYO OFICIAL Y TA DEN E PROME FASE PA CUMINSA CU RESTRUCTURACION

ORANJESTAD- Dialuna atardi Minister di Turismo y Salud Publico sr. Dangui Oduber

conhuntamente cu Minister di Finanzas y Cultura sra. Xiomara Maduro a atende un ceremonia hopi importante pa Aruba su turismo como tambe su cultura y herencia. Kapel di Alto Vista ta ricibi su seyo oficial y ta bira e prome monumento priva & protehi cu un plan di embeycemento na e prome quartal di 2024.

E tabata un atardi ameno cu un bunita misa di Santo Sacrificio dirigi pa Monseigneur L.A.

Secco cu un programa unda Minister Oduber y Minister Maduro y tambe representante di

Monumenten Bureau Aruba a hiba algun palabra di e historia y a accentua e importancia di Kapel di Alto Vista pero tambe e plan di restructuracion y e rekesitonan pa ta un monumento priva y protehi.

Minister Oduber a hiba algun palabra splicando e plan di embeycemento y kico tur lota

den plan pa asina crea un miho structura pa e area di Alto Vista. E bunita proyecto aki ta pa asina por organisa y mantene e area cu trankilidad y paz

pa tur cu ta bishita y hasi nan oracionnan na e Kapel di Alto Vista.

Mandatario a menciona cu e proyecto ta den su prome fase di restructuracion y tur loke ta

bay ta den plan pa implementa ta lo siguiente:

- Percurpa pa amplia e espacio di parkeo y lo tin un area aloca special pa parkeo di busnan, ATV's y UTV's.

- Lo bay prohibi ATV's, UTV's y busnan cu tocamento di musica halto den e area pa asina mantene e paz y trankilidad pa e usuarionan.

- Ta bay embece e area rond di Kapel y tambe construi bañonan.

- Ta bay tin regla & guia di bishita tocante vestuario

- Mas accesibilidad pa nos invalidonan

- Implementa proteccion di e propiedad

- Mantena un plan di sostenibilidad.

Finalmente, Minister Oduber ta gradici tur persona cu a juda pa hasi e proyecto aki un

realidad; Parokia di Noord, Obispado,

Minister Xiomara Maduro, Monumenten

Bureau Aruba y tur departamento di gobierno

pa asina por a traha hunto y mantene e vision pa

- Ministerio di Turismo y Salud Publico •



PUEBLO A HAÑA SU PEN BEK

Pa kualkier informacion
solodipueblo@gmail.com

of
☎ 585-9500

ORCO BANK Y ARUBA BANK A UNI DURANTE SUMMIT 2023 "CHANGE TO GROW"

Luna di november ta dedica na aprecio pa tur empleado



Oranjestad: 23 di november, 2023 - Orco Bank y Aruba Bank, institutonan financiero di prestigio, recientemente a uni durante un Summit cu e topico di "Change to Grow".

E evento colaborativo aki tin como meta pa stimula innovacion, comparti perspectiva, y aborda hunto e retonan y oportunidadnan pa 2024.

E summit "Change to Grow" ta un plataforma unda diferente invitado special interno y externo a intercambia pensamiento tocante e tendencianan transformativo cu ta influencia e sector

bancario. Participantenan a experiencia presentacion informativo tocante topiconan manera digitalisacion (AI), cambio, y experiencia di crecemento personal.

Rosabelle Illes tabata e maestro di ceremonia, y a establece e tono pa e summit, liderando participantenan den un programa entreteni y dinamico.

Abigail Paula, Head of Retail Banking na Orco Bank, como prome orador, a comparti un narrativa impactante di su trayecto atraves di cambianan transformativo,

sirbiendo como un storia inspirativo pa adaptacion y resistencia.

Marlon Kock, Team Leader IT Architecture &



Projects, a profundisa den e poder transformativo di inteligencia artificial (AI), enfatisando riba e rol como un herment pa mehora eficiencia y crea un luga di trabou mas inteligente.

Pa culmina e evento orador internacional renombra Liza Engel a comparti su

trayecto, enfatisando e papel pivotal di adapta na cambia pa ta exitoso y a subraya e bentaha colectivo di crese hunto. "Change to Grow" Summit 2023 a reafirma e compromiso di Orco Bank y Aruba Bank pa crea un ambiente di conocimiento continuo, adaptacion, y colaboracion.





Arugas

24 NOVEMBER 2023

BLACK FRIDAY

FLAMEKING
20LBS CYLINDER

~~AFL. 185~~

AFL. 125

DEAL HOURS:
7:00 AM - 7:00 PM

*This cylinder is also part of our exchange program.



MINISTER MADURO A YAMA BONBINI NA SINTERKLAAS Y SU PIETNAN DI COLOR



Bou e tema 'Sint y Piet Trece Color', Minister di Cultura, Xiomara Maduro, tabata presente pa duna bonbini na Sinterklaas y su 85 Pietnan di color den un evento yena cu alegria y curiosidad di nos muchanan. E celebracion di e aña aki tabata aun mas special, cu participacion di 85 Piet di color, agregando un toke vibrante y diverso na e parada aki.

E parada, cu a cuminsa na APA y a finalisa na Renaissance Marketplace, tabata un muestra di

cultura y e spirito festivo di nos muchanan pa cu e temporada aki. Cu participacion di Massive Brassband, e evento a marca un momento importante, creando un atmosfera divertido cu a capta e esencia di e celebracion aki. Ademá, e aña aki Pitbull Productions a celebra nan di 10 aniversario hunto cu Chaz Dancers, kendenan a conmemora 25 aña di trayectoria artistico den e evento aki.

Un di e momentonan cu mas a sobresali tabata e presentacion di Casper y Xennon, kendenan a canta algun cancion pa Sinterklaas y e publico presente. E animacion tabata na encargo di Tanchi Esmee y Tio George, kendenan a mantene e multitud su atencion durante henter e evento cu nan carisma y energia. E evento a sigui cu presentacionnan di gruponan di baile, mustrando e talento y diversidad cultural di nos Pais. E evento aki no solamente tabata pa celebra e yegada di Sinterklaas, pero tambe a sirbi como un plataforma pa expresion di arte y cultura local y duna un oportunidad na nos muchanan pa experiencia e magia di e temporada aki cu ta asina special pa nan. Minister di Cultura ta gradici UNOCA, Aruba Bank, Renaissance Marketplace y CCDN pa nan sosten den realisacion di e evento magnifico aki. Un gradecimento special ta bay pa APA, DOW y KPA pa nan colaboracion y apoyo, sigurando cu e celebracion di e aña aki ta uno inolvidabel. E mandatario ta gradici tambe tur esnan cu a participa na e evento aki, reafirmando nan



compromiso pa preserva y promove e tradicion aki pa nos muchanan. 'Sint y Piet Trece Color' no solamente tabata un celebracion

di tradicion cultural, pero tambe un recuerdo di e union y diversidad cu ta caracteriza nos comunidad.



LUNCH:

- Steak di wea
- Bami Goreng
- Aroz con pollo
- Boonchi cora
- Balchi pisca
- Porkchop
- Chicken breast

MINIBOX

pa solamente 10 florin

- Bami goreng
- Aroz con pollo
- Balchi Pisca

746-3571



CHACO TAEKWONDO ACADEMY TA CONTA CU 3RD CLASS INTERNATIONAL TAEKWONDO MASTERS



Master Melvin Rasmiijn, Master Yoshmar Wever y Master Miguel Genser di Chaco Taekwondo Academy a completa e di 103 Internacional Masters Course y e di 54 Poom/Dan Examiners Course cu a wordo duna pa Grand Master Jae Yoon An, Grand Master Jung Gu Choi, Grand Master Bong Hyundia Jungy y Grand Master Ki Hong Kim na Bogota, Colombia.

E curso tabata for di mainta te cu anochi 7'or

y tabata consisti di e topiconan, Historia di Taekwondo, Spirito di Taekwondo, Maneho y Reglanan di Testnan pa Promocion, Terminologia Basico di Taekwondo, Poomsae, Gyeorugi y Self Defense(Hoshinsul).

Pa 6 dia nan a siña tecnicanan nobo cu ta rekeri pa Dan Examen, Strategia, Teoria y Filosofia. Durante e curso a train hunto cu otro Grand Masters y Masters di Taekwondo di otro Paisnan cu tambe a bay pa

haci e curso. International Masters Course y Poom/Dan Examiner Course nan a haci examen y a logra haña certificacion acredita pa Kukkiwon. Cu e logro grandi aki Aruba



BLACK FRIDAY

DISCOUNTS ON COMPOSITE VENEERS CAN HELP YOU ACHIEVE THE SMILE OF YOUR DREAMS

A SMILE MAKEOVER AT THE IDEAL TIME!

Public Figure: *Gil Croes*

FREE CONSULTATION

+297 585 3255
+297 592 9398

Prome Minister Evelyn Wever-Croes:

E TOOLKIT CODIGO DI PROTECCION LO SIRBI PA CONSCIENTISA Y AMPLIA E CONOCEMENTO DI E PROFESIONALNAN RIBA DIFERENTE TERENO

"Siguridad di nos muchanan ta prioridad"



ORANJESTAD - Riba dia Internacional di Derecho di Mucha, Prome Minister Evelyn Wever-Croes hunto cu demas colega minister y algun Parlamentario, tabata presente na e lansamento di e Toolkit diCodigo di Proteccion (CDP). Prome Minister a expresa cu e tabata un momento sumamente bunita, caminda a presencia e resultado di e dedicacion di e ekipo di CDP cu a haci esaki posibel. E CDP ta un plataforma digital caminda ta inverti den e profesionalnan door di di duna nan e hermentnan necesario, pa por eherce nan trabou mucho mas miho, y asina garantiza proteccion pa e muchanan.

Señora Sue-Ann Ras, como e persona encarga pa guia e ekipo chikito di e Departamento di Mucha y Hoben, a splica cu e CDP aki sigur ta un logro grandi pa pais Aruba y specialmente pa siguridad di e muchanan. El a indica cu e toolkit aki ta manera

un ekipahe completo pa e profesionalnan, na unda tin casonan, informacion, quiz, y video riba diferente aspecto, cu ta trata di sospecho di abuso di mucha. E ta un contenido completamente local, na unda mas o menos 70 profesional a traha riba esaki pa yega na e contenido aki.

Señora Ras tambe a menciona cu banda di esaki, tambe tin e revista ASERTIVO, cu a wordo diseña cu e meta pa traha riba conscientisacion, y

amplia e conocimiento di e profesionalnan riba diferente tereno, manera di nos mesun hendenan y kico nan ta haci den veld, tambe kico tur nan como instancia ta para pe. E producto aki, a wordo realisa cu fondonan di Union Europeo, pero tambe a haya sosten tecnico, vooral den e parti digital, di Augeo Foundation y di Unicef Hulanda. E producto final a wordo presenta e aña aki na Maart.

Prome Minister ta gradici



na prome lugha Minister Glenbert Croes pa introduci e team di Social Crisis Plan, cu na aña 2017 a cuminsa cu e iniciativa aki. Tambe, Minister Rocco Tjon, kende como Minister di Asuntonan Social, cu su vision, pasion

y dedicacion a logra esaki. Un danki tambe na Señora Sue-Ann Ras cu a sa di guia e ekipo di Departamento di Mucha exitosamente. Pa Gabinete Wever-Croes, e siguridad di nos muchanan ta un prioridad.



INFORMACION PA STUDIANTE CU TA BAY BIBA NA HULANDA



Studiante cu ta bay Hulanda pa sigui nan estudio na aña 2024-2025 por atende e sesion pa combersa tocante studia na Hulanda y tur locual mester cuminsa haci pa prepara pa tuma e paso importante aki. Stichting Kompas for

Students ta presenta Hulanda 101, un sesion anual cu ta tuma lugar dia 29 November 2023 na Biblioteca Nacional Aruba. Hulanda 101 ta un sesion informativo y interactivo pa cuminsa prepara estudiante cu ta bay studia



na Hulanda. Orario ta di 5pm pa 7pm, y ta completamente gratis. Pa di dos biaha en persona na Aruba, Hulanda 101 lo cubri e topico nan mas importante pa periodo aki di preparacion; vivienda, studiekeuze, zorgverzekering, lening, siña e metodo pa priorisa actividad y 3 tip esencial pa sobrebibi como estudiante na Hulanda (i afo).

Informashon praktico:

- Fecha: 29



November 2023

- Orario: 5pm pa 7pm
- Lugar: Biblioteca Nacional Aruba
- Inscribi: <https://bit.ly/Hulanda101-November2023-PR>

Pa mas informashon, tuma contacto cu:

Number: Viviana Lopez Paz

Whatsapp: +31614183830

Email: connect@kompasforstudents.com

Facebook i Instagram: @kompasforstudents



Website: www.kompasforstudents.com

Boilerplate: Stichting Kompas for Students ta un fundacion

Hulandes crea door di estudiante Arubiano. Nos meta ta pa guia y sostene estudiante den nan preparacion pa studia afo y durante nan prome aña na Hulanda.

Durante e trayectoria aki nos ta brinda diferente workshops y actividad riba topiconan manera mental health, finanzas, nutricion y hopi mas.

E CANTIDAD DI MORTO A SUBI NA 30 PA MOTIBO DI AWACERO TORENCIAL NA REPUBLICA DOMINICANA

E cantidad di morto pa motibo di e awacero torrencial cu a afecta Republica Dominicana e ultimo fin di siman ta 30, ora cu a agrega tres victima mortal nobo na e cuenta oficial ofreci e dia di diasabra pa Centro di Operacionnan di Emergencia (COE) di e pais aki.

E 30 personanan aki, entre nan tin cuatro puertorriqueño y cuatro haitiano, a perde nan bida ora cu nan a ser hala pa un corriente como consecuencia di crecimiento di riu, cu a

conduci den inundacion of pa aplastamento, segun e reporte di COE.

Ademas di e mortonan, e precipitacionnan intenso a obliga 37.060 persona di zonanan vulnerabel pa wordo desplaza for di nan cas, otro 2.591 a wordo rescata pa e organismonan di proteccion y 55 comunidad a keda sin comunicacion.

Pa loke ta trata e daño, cu ainda ta den proceso di evaluacion, e awacero a laga 7.412 cas afecta, ocho caminda y seis brug (un di cual a colapsá),

asina como un paso na desnivel di e capital unda a mata nueve persona ora un di e murayanan di e infraestructura a cay riba nan vehiculo.

Den e servicionan basico, 52 aquaducto ta totalmente fuera di servicio y un mas parcialmente, cu ta incide riba suministro di awa na 710.452 usuario.

Mientras tanto, E Corporacion di Acueducto y Alcantarillado di Santo Domingo (CAASD), cu tambe a sufri problema den parti di su instalacionnan, a



restablece completamente e servicio, mescos cu e distribuidonan di electricidad cu a mira varios di su circuitonan fuera di funcion como consecuencia di e awacero.


E COE ta mantene

solamente un provincia, Duarte (norte di e pais), cu ta na nivel berde, bao alerta pa awa, cu excepcion di un area di e provincia, e area di Bajo Yuna, cu ta keda na codigo geel pa posibel crecimiento y inundacion repentino.

POLIS BUSCANDO PERSONA DES-ORIENTA BANDA DI EAGLE BEACH

Despues di mey anochi a drenta informe di cu tin un persona canando desorienta den area di Eagle Beach, mesora a dirigi un patruya na e

sitio pa mira si ta logra hay'e. Despues di basta buscamiento rond no a logra hay'e y nan a continua cu nan patruya.



POLISNAN ATENTO A PERSIGUI UN SUZUKI; DOS PERSONA DETENI Y ARMA DI CANDELA HAYA



Ierlandstraat - Diaranson den oranan atardi polis ariba Schotlandstraat a bay pa controla un Suzuki Swift, un control aparentemente di rutina.

Pero, den algun seconde e stopteken cu a wordo duna no a wordo sigui, esta esun na stuur di e auto a dicidi di subi velocidad.

Aki a start un persecusion

cortico, cu a termina un poco mas pariba cu tawata den Ierlandstraat, net unda e auto ta registra.

Den e auto tawata tin 4 hoben, dos a baha core



hopi duro bay cu polisnan no a haya chance mes di garanar. E otro dosnan si a wordo deteni na e auto.

E pakiko nan no a para ta masha simpel mes, nan tawata tin "cos" ariba nan, manera nan mes ta papia. Den e auto a haya un cuchiu y un di esnan cu a core lo a benta algo afo y ora polis a haya esaki tawata tin un arma di

candela den dje.

Esaki a pone polisnan avisa e departamentonan concerni, manera e departamento tecnico y tambe recherche.

Un bon trabou di parti KPA cu e agentenan aki atento, paso ken sa kiko tawata nan intencion cu e arma aki. Un arma di candela menos ariba caya.

UN CONGRESO CU ACOGIDA GRANDI DI DUNADONAN DI CUIDO DEN REGION E DI 14 EDICION DI DAS CLINIC CU ENFOKE RIBA E SER FEMENINO

Siman pasa a tuma lugha e di diescuater (14) edicion di e congreso di DAS Clinic, esta e Dutch Antillean Southamerican Clinic. Un congreso organisa door di un grupo di specialista di Horacio Oduber Hospital cu durante añanan a bira hopi popular bou di dunadonan di cuido di Aruba y region. E evento aki ta conta cu participantenan di diferente specialismo den cuido medico, dokternan di cas, praktijkondersteuners, enfermeronan specialisa y demas personal den cuido pa asina keda up-to-date di e ultimo den mundo medico.

Drs. Bert Rodenburg, internista y infecciologo na HOH, ta conta cu durante e congreso interactivo aki tabatin diferente orador cu a toca diferente tema di interne geneeskunde, entre otro oradornan fo'i Corsou, Sint Maarten, Hulanda y tambe un oradornan di Aruba mes. E aña aki a enfoca mas riba e hende muhe y tambe riba investigacion local como tambe investigacion cientifico haci aki na nos isla.

Durante e congreso por a mira diferente presentacion riba e topiconan ya menciona. Ademá, a conta cu diferente orador for di diferente area di salud, pues no unicamente di hospital pero tambe dokter



di cas y specialista.

Drs. Rashidi Rellum, reumatologo, tabata un di e oradornan durante e congreso. El a papia riba e topico di Reuma na Aruba. Rellum ta conta: “mi a comparti data tocante cuanto hende muhe tin Rheumatoid arthritis na Aruba y cu mester bay analisa e motibo dicon e grupo di ser femenino ta mas grandi na Aruba. Ya caba generalmente tin mas hende muhe cu reuma compara cu hende homber pero hasta compara cu e nivel mundial cu ta tres biaha mas grandi, aki na Aruba e grupo di ser femenino ta cinco biaha mas grandi cu e grupo di hende homber.

Pues lo ta bon pa investiga e motibo tras di e cifra aki cu ta destaca pa asina den futuro por tin mas

informacion cu por tuma accion riba dje.

Pa finalisa, Drs. Rodenburg a indica cu esaki tabata e di diescuater edicion di DAS Clinic cu a tuma lugha y cu nan ta conta cu un acogida hopi grandi di participante, tambe cu no por a yega Aruba pero a logra presencia e congreso virtualmente, for di Hulanda y demas islanan

y claro for di Aruba tambe. Drs. Rodenburg a expresa di ta hopi contento cu tur esnan cu a presenta pa siña un poco mas. Y alabes loke ta hacie mas miho ainda cu door di nan participacion nan ta haya acreditacion tambe.

E team di DAS Clinic a conta un bes mas riba un congreso masha exitoso unda cu no por a acomoda

mas hende den e sala, pues tabata un evento “SOLD OUT”. Ta gradici tur orador y parti di e team di organizacion pa e trabou duru pa por a logra haci esaki posibel.

EDASclinet a un tremendo ehempel di colaboracion medico entre e islanan. Sin un colaboracion extensivo e simposio lo no tabata uno asina fructifero.



CHAUFFEUR DI UN TOYOTA MARK X DETENI, DESPUES DI A CAUSA BOKSMENTO



Cumana - Diaranson anochi polis mester a bay atende un chauffeur despues di un boksmento pariba di e rotonde di Cumana.

Ta asina cu e chauffeur di e MarkX a dal patras di un Hyundai Santa Fe, y despues ora compania di seguro a yega e la cuminsa



bira fastioso.

E agente di seguro na su turno y mirando cu e chauffeur lo ta bebi a solicita pa polis. Y enberdad polis di trafico mester a presenta debi cu e homber di e Mark X ta

bebi.

Na yegada di e agente di trafico e la sigui protocol y lage e chauffeur "fastioso" supla, usando e Alco-Sensor. Y manera a sospecha di cuminsamento e la pasa e















limite di alcohol stipula pa ley.

Enan mes e la wordo deteni y cu transportwagen e la bay warda, unda cu lo dicidi kiko lo pasa cu ne.


BUREAU DI VOTA PA MEDIO DI CARTA NA ARUBA, CORSOU Y SINTMAARTEN A CERA Y A CONTA VOTONAN

Na Aruba, Corsou y Sint Maarten, e bureaunan di vota pa medio di carta a cera despues di e conteo di e votonan emiti na e bureaunan aki pa e eleccion pa Tweede Kamer na Hulanda. A conta e votonan y awor ainda e Bureau di vota pa medio di carta nacional na Den Haag tin cu ratifica esaki. Na Aruba tabatin 538 persona registra pa vota pa e eleccionnan pa Tweede Kamer. For di esaki un cantidad di 419 persona a deposita nan voto na e Bureau di vota pa medio di carta na Aruba. Mayoria di e votonan ta bai pa Groenlinks/PvdA (102); VVD (90); y Nieuw Sociaal Contract (56). Na Corsou tabatin 538 persona registra pa vota pa e eleccionnan pa Tweede

Kamer. For di esaki un cantidad di 845 persona a deposita nan voto na e Bureau di vota pa medio di carta na Corsou. Mayoria di e votonan ta bai pa VVD (237); Groenlinks/PvdA (144); y D66 (99). Na Sint Maarten tabatin 200 persona registra pa vota pa e eleccionnan pa Tweede Kamer. For di esaki un cantidad di 134 persona a deposita nan voto na e Bureau di vota pa medio di carta na Sint Maarten. Mayoria di e votonan ta bai pa D66 (33); VVD (28); y Groenlinks/PvdA (28). Pa un resumen completo di e votonan emiti pa pais y especificacion di voto pa partido, tuma nota di e procesverbaalnan adhunto. Ta publica

<div></div> <div>Paardenbaaistraat 10, Oranjestad, Aruba Tel.: (297) 525 - 7555</div> <div>www.lottoaruba.com</div> <div>Resultado : Sorteo 23 Nov 2023 Merdia</div>		
<div></div> <div>Sorteo # 4103</div> <div>0616</div> <div>5497</div> <div>3965</div> <div></div> <div>FP</div> <div></div> <div>Sorteo # 4103</div> <div>0033</div> <div></div> <div>Sorteo # 2159</div> <div>3706</div> <div></div> <div>Sorteo # 4103</div> <div>8959</div> <div>Aquario</div> <div></div> <div>Sorteo # 977</div> <div>483</div> <div></div> <div>X3</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x match 4</div> <div>0 x Afl. 12,00</div>	<div>Joker</div> <div>Letter</div> <div>Proximo Jackpot</div> <div>130.000,-</div>
<div></div> <div>Sorteo #</div> <div>0 x Jackpot</div> <div>0 x Match 4</div> <div>0 x Afl. 8,00</div>	<div>Proximo Jackpot</div> <div>51.000,-</div>	
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div>	<div>Mega Ball:</div> <div>Proximo Jackpot</div> <div>675.000,-</div>	
<div></div> <div>Afl. 1.000.000,-</div>		
<div></div> <div>Sorteo #</div>		<div></div>

ROTONDENAN NA ARUBA DORNA CU BANDERA DI 131



Ariba 9 di november ultimo e logo nobo di 131 a ser revela door di Prinses Beatrix hunto cu un hoben

di e Consejo Hubenil di 131 y Sophie-Belle Rafini cu a gana e competencia di pintura pa yega na e logo

nobo di 131.

Den cuadro di celebracion di dia Internacional di Derecho di Mucha y 24 aña di existencia di 131, bandera cu e logo nobo di 131 a ser poni na 25 rotonde rond di Aruba. Di San Nicolas te cu Noord e banderanan di 131 ta visibel.

Un di e partnernan mas importante di 131 ta e mayornan. E mayor ta esun cu na momento cu e no por tey pa su yiu door cu e tin cu labora por ehempel, por dirigi su yiu pa tuma contacto cu 131. 131 ta aliado di e mayor den educacion di su yiunan. Pa medio di e banderanan ariba e rotondenan, e mayor ta ser informa tocante e logo nobo di 131. E banderanan lo waya ariba e rotondenan di 20 te cu 25 di november.

Pa por a adkiri e banderanan pa cada rotonde na Aruba, RBC



Royal Bank (Aruba) a sostene 131 den esaki. RBC Royal Bank (Aruba) ta kere firmemente den derecho di nos muchanan y ta sostene iniciativanan cu ta salvaguardia esaki. Otro partnernan strategico cu a sostene e proyecto aki ta DOW, Watty Vos BLVD y Green Corridor Aruba.

Tambe nos kier a gradici nos otro partnernan cu ta tuma nan impacto social hopi serio y ta inverti den e muchanan y hobenan di Aruba y 131.

Un gradicimento ta bay na Setar N.V., Aruba Airport Authority N.V., Web Aruba N.V., The Salamander Group, The Movies Aruba, Telearuba y Media di Aruba.

Pa mas informacion tocante e logo di 131 por tuma contacto via nos website: 131.aw, Instagram: Instagram: 131aruba, facebook: https://www.facebook.com/aruba.131, email: 131aruba@gmail.com of telefon 5886138/ 5884011.

MINISTER ARENDS TA ACTUALIZA HABITANTENAN DI PLAYA PABAO RIBA MANEHO DI DESPERDICIO



Dia 22 di november 2023, Ministerio di Naturalesa a organisa un reunion na Centro di Bario Playa Pabao pa duna un update riba e maneho di desperdicio na Aruba. Durante e reunion a elabora, entre otro, riba e accion Baki den Bario cu ta tumando luga tur diasabra for di 7'or te cu 11'or di mainta como parti di campaña nacional 'Limpi Limpi.' Esnan presente a haya espacio pa haci pregunta na Minister Arends y duna sugerencia pa sigui mehora e actividad.

E maneho di desperdicio ta uno dinamico y ta enfoca riba e participacion di ciudadano pa aporta na e limpieza di nos isla. E meta di Baki den Bario ta pa stimula un habito di separacion di desperdicio den nos comunidad y hisa e cantidad di materia colecta cu por wordo recicla. Materia cu por wordo procesa sea na Aruba of den exterior door di exporta nan. Durante e charla, a comparti datos di e accion di Baki den Bario y a actualiza tur presente encuanto e esfuersonan pa sana e area di Dump Parkietenbos. Un suma di 6 miyon florin a ser aloca pa converti esaki den un parke solar.

“Mi ta contento di por crea conscientisacion bou ciudadano cu tur loke nos ta crea riba tera, tin impacto pa nos lama,” segun Minister di Naturalesa, Sr. Ursell Arends. Un aspecto clave di e enfoko di Minister Arends ta enbolucra campañanan educativo pa informa e comunidad tocante e importancia di separacion di desperdicio, y e impacto positivo cu esaki por tin riba nos ambiente.

Pa mas informacion di e maneho di desperdicio y e accion Baki den Bario por bishita e website Limpi.aw. E siguiente accion di Baki den Bario lo tuma luga diasabra 25 di november 2023 na Centro di Bario Playa Pabao 7'or te cu 11'or di mainta.



TEAM DI ARUBA RHYTHMIC GYMNASTICS LO PARTICIPA NA CAMPEONATO SUDAMERICANO NA PARAGUAY



Oranjestad - Otro siman lo sali pa Asuncion Paraguay un Team di Aruba, ta trata di un team Rythmic Gymnastics.

Lo ta pa prome biaha den historia cu un team di categoria aki lo participa na un campeonato

Sudamericano.

E evento grandi aki lo tuma luga di november 27 pa december 4.

Nos ta desea e team completo hopi exito y pone Aruba su nomber na halto.

Booshi Wever:

NEGLIGENCIA Y PRIORIDAD ROBES TIN E BUBALI PLAS UNDA E TA AWE!

Ultimo dlanan nos a tuma nota di declaracionnan heroico atrobe di e minister di Bubaliplas Arends tocante e situacion reinante na e sitio ey.

Cu masha orguyo y sin ningun tipo di remordimento pa e daño ecologico cu ta wordo ocasiona, e minister encarga cu Medio Ambiente ta declara cu ela laga habri e "sluisnan" di e Bubali Plas. Ela declara cu despues di a haci varios investigacion y midimento di e calidad di e awa na Bubaliplas, ela tuma e desicion pa habri e "sluisnan" y laga awa (contamina) bay den lama! E minister a keda di divulga ken a haci e investigacionnan aki? Y tambe ki midimento a haci?

Den cuadro di TRANSPARENCIA lo ta bon pa e minister aki publica resultado di tur e estudionan haci y ken a haci esaki!! Asina leu cu nos sa, na Aruba no tin institucionan cu por haci esaki. Pues ta surgi e pregunta aki si kier tapa e mal-gobernacion y mal maneho hiba dor di su amiguito Otmar y e director di DOW? Den cuadro di transparencia ta necesario pa duna pueblo e informacion aki, y si cu ta trata di un instituto local, ta bon pa wak si e

ta acredita pa haci tipo di investigacionnan asina, cu midimento prome cu awa a sali (paden di e plas) y despues.

Na 2017 e mesun director a conseha pa usa e "restfonds" cu tabata tin na FDA pa cuminsa drecha e RWZI na Bubali, pasobra cu e tabata forma un peligro inminente y peligroso pa nos turismo! Pa complace cu ex-minister Otmar diripiente e director a bay di acuerdo pa compra di e incinerator (porkeria). Esaki a sosode cu yen di "gesjoemel" y "foefjes"! E director di DOW a sostene y a tolera esaki, y cu a percura cu Aruba ta sintá cu un porkeria cu nunca a funciona manera mester ta! Tur e "gesjoemel" y "foefjes" aki alabes a sosode cu aprobacion y sosten di e gobierno di Eveline Croes.

Ta hopi bisto cu full e show aki ta pa laba cabez di Otmar y hustifica compra di un otro incinerator (porkeria) por medio di corrupcion cu por cierto NUNCA a funciona drechi.

Mi ta urgi ministerio publico pa a corto plazo haci un investigacion forensico riba henter e situacion di e RWZI-NAN y e compra di e incinerator! Pa por hasi

un investigacion forensico drechi, e director di DOW mester wordo manda cas pa evita cu diripiente documentonan desaparece. Aki tambe mi ta haci un apelacion na miembronan di Parlamento cu sikiera ta respeta nan mes y e Pueblo di Aruba, pa tuma accion tambe y acudi cu e keho y pruebanan cu mi a entrega na 2019 na ministerio publico pa haci un investigacion riba e incinerator, ya cu segun hof, ami como ciudadano no tin un "direct belang" den e caso, sino cu ta Parlamento of e propio gobierno. Como pagador di belasting, nos como ciudadano parce di no ta conta den casonan asina pa nos Corte.

Ta inacceptabel cu e actual minister, djis pa yuda su amiguito y un gobierno, ta dicide pa habri e "sluisnan" sabiendo cu e procesamiento na e RWZI-NAN ta 100% malo

y completamente for di balance.

En corto, AWA SUSHI TA DRENTA Y AWA SUSHI TA SALI! Dus eigenlijk no tin proceso. E realidad ta cu Bubali Plas ta "procesa" awa sushi mescos un planta di RWZI.

Minister Arends den henter e manipulacion aki, un biaha mas ta purba di scapa peyeho di e CORUPTO Otmar! Ta mas cu obvio cu minister Arends deliberadamente ta purba di haci como sifuera e no tabata sa esey! Tur e cosnan aki ta documenta y minister Arends y TUR minister y parlamentario tin esakinan. Es mas, hopi prome cu campaña, na momento cu e planta aki tabata den discusion, ministro Arends como politico tambe a atende riba e peligro inminente aki.

Ta keda raro cu ningun

parlamentario no ta existi un investigacion forensico pa asina determina cuanto corrupcion tabata tin den e compra CORUPTO orkestra pa Otmar y su gang di Alibaba cu tabata rondone! Pa colmo awor un di nan, ta man drechi di nos Prome Ministro y ta Zanzi y Zinkinza tur caminda banda di dje. Y hasta lo a haya un puesto adicional como director di un otro departamento cu lo wordo lanta.

Pues ta un set di CORUPTO den otro cu ta purba di tapa otro. Y autor principal den e henter CORUPCION aki tin nomber y faam! OTMAR! Cu e modus operandi aki, esta di tolerancia y sosten na CORUPCION, e gobierno actual mescos cu tempo di AVP, kier NORMALISA corrupcion! Esaki a causa cu pueblo a perde y ta perdiendo e confianza den partidonan politico y politico!

PEN BEK
Pa kualkier informacion
solodipueblo@gmail.com
of
☎ 585-9500

CAMBIO Ariba

LANDSVERORDENING BEPERKING TABAKSPRODUCTEN (AB 2016 NO. 44)

PROTEHANDO SALUD PUBLICO

HALA ROSEA LIBREMENTE
BREATHE FREELY
LANDSVERORDENING BEPERKING TABAKSPRODUCTEN

Cu introduccion di e ley aki DVG y Gobierno ta trata na reduci e riesgo pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad jong.

- Articulo 2:** ta prohibi pa huma den luganan publico.
- Articulo 2A:** ta prohibi pa huma den transporte priva ora cu tin menor di edad den auto.
- Articulo 3:** doño di trabou ta responsabel pa proteha su empleadonan for di huma di sigaria durante orario di trabou y riba tereno di trabou.
- Articulo 4:** ta prohibi pa huma den tur forma di transporte publico.
- Articulo 5:** ta prohibi pa bende of duna productonan di tabaco den cierto instancianan.
- Articulo 6:** ta prohibi pa bende of duna productonan di tabaco na personanan bou di 21 aña.
- Articulo 6A1:** ta prohibi pa parti productonan di tabaco gratis.
- Articulo 6A2:** ta prohibi pa bende sigaria los. Sigaria mester wordo bendi den paki cera y sea.

MINISTER ENDY CROES A ATENDE E ACTO DI SEYO OFICIAL DI KAPEL DI ALTO VISTA COMO E PROME MONUMENTO PRIVA Y PROTEGI

Durante e ceremonia a presenta un plan di restructuracion cu ta brinda paz y trankilidad na e bishitantenan

ORANJESTAD: Diamars ultimo, Minister di Enseñansa y Deporte Endy Croes hunto cu colega Prome Minister Evelyn Wever-Croes, Vice Prome Minister Ursell Arends, Minister Dangui Oduber, Minister Xiomara Maduro, Presidente di Parlamento mr. Edgard Vrolijk, representante di Monumenten Bureau Aruba y demas invitadonan a asisti na e acto di seyo oficial di Kapel di Alto Vista como prome monumento priva y protegi. Ademas, a tene un Santo Sacrificio di misa efectua pa Monseigneur L.A. Secco. Tambe durante e ceremonia, a presenta un



plan di embeyecemento pa e area di Kapel di Alto Vista. Actualmente, e

proyecto ta den su prome fase di restructuracion. E meta di e proyecto aki ta pa mantene e area cu paz



y trankilidad pa tur esnan cu ta bishita Kapel di Alto Vista pa haci oracion. Minister Endy Croes ta felicita colega Dangui Oduber, Minister Xiomara Maduro y tur stakeholder pa e bunita proyecto di embeyecemento aki cu ta brinda paz y trankilidad na e bishitantenan.

HACI PAGO DI ABONEMENT ONLINE TA POSIBEL:

APRECIABLE CLIENTELA, SI BO TA DESEA DI HACI E PAGO DI ABONEMENT ONLINE, E TA POSIBEL:

ESAKI TA NOS CUENTA:

SUNMAX PRINTERS - STA. CRUZ 110
BANCO: RBC
NUMBER DI CUENTA: 7700000100152447

DI ANTEMANO,
MASHA DANKI.

SOLO DI PUEBLO



Minister Dangui Oduber

FIRMAMENTO DI MEMORANDUM OF UNDERSTANDING (MOU) ENTRE MINISTERIO DI TURISMO & SALUD PUBLICO Y UNIVERSIDAD EL BOSQUE

ORANJESTAD – Minister di Turismo y Salud Publico sr. Dangui Oduber, hunto cu representantenan di Universidad el Bosque, referi como UNBOSQUE y tambe Los Cobos Medical Center (LCMC) ta anuncia cu un Memorandum of Understanding (MOU) a wordo firma pa asina reforsa y mehora e servicio y calidad di cuido y alaves crea oportunidadnan pa por crea posibilidadnan pa sigui profesionalisa y



empodera nos profesionalnan den cuido cu lo desea pa studia aki na Aruba mes. Ministerio su vision ta pa sigui traha ariba un sistema di cuido di salud mas inovativo y sostenibel pa Aruba. Cu e acuerdo firma aki ta reconoce cu un colaboracion y diversificacion cu

profesionalnan di e instituto; Universidad el Bosque y Los Cobos Medical Center ta necesario pa asina por yuda eleva henter e sector di cuido na Aruba. Adicional na esaki, cooperacion y colaboracion cu institutonan cu ta acredita manera UNBOSQUE ta expande e posibilidadnan educativo pa nos professional di

salud. E meta di e MOU aki ta pa declara intencionan di e partidonan pa traha hunto cu institutonan educativo den e topico di salubridad y pa contribui na e meta di expande y reforsa nos sistema di cuido. E topiconan cu a menciona den e acuerdo ta lo

siguiente:

- Ambos partido ta explora e posibilidad di un colaboracion pa asina por yuda cu e capacidad di personal na Aruba.
- Explora e oportunidadnan di establece un universidad di medicina manera UNBOSQUE na Aruba.
- Explora e estructura

y colaboracion di diagnosticonan pa casonan mas complica.

- Oportunidad pa educacion superior y avansa pa studiantenan di salubridad
- Intercambio di conocimiento y expertisio cu UNBOSQUE Universidad su profesionalnan.
- Ministerio di Turismo y

Pareha turista deteni na nos frontera na airport



Diamars atardi autoridad di frontera a detene un pareha turista na airport, mesora a pidi pa e vehiculo di transporte pa bin busca nan na airport.


Te na e momentonan aki nos no a ricibi ningun informe oficial di e caso aki. manera nos ricibi esaki nos lo publica esaki. Keda pendiente.....

E unico informacion cu nos a logra haya ta cu nan

a ser wanta riba instruccion di recherche di distrito 2 (Noord).



ORACION DI DIA



Un feliz dia yena di bendicion y hopi fe y speransa den nos Bon Dios

.....Reino di Dios ta meymey di boso! (Lucas 17,21)
E mesun pregunta ey nos tambe ta haci Hesus y awor nos ta haya e contesta y Hesus ta papia berdad, anto ta dicon e Mundo aki t'asina?
Ruman nos ta anda segun sabiduria di Mundo y ta kere cu nos ta den control.

Den e Lectura Hesus ta siña nos kico ta Sabiduria y con
Sabiduria ta move meymey di nos y di ki manera Sabiduria ta y por actua den nos bida! Nos mester probecha di E Sabiduria sigur sigur, pero nos mester di un bon grado di humildad.y sinceridad cu nos Hesus y nos mes.

Paso den un curason humilde Sabiduria ta penetra y ta haci
cosnan grandi cu nos no por ni imagina.
Ruman e Salmo ta corda nos cu
Hesus ta controla tur cos y pega na Hesus semper nos lo tin Victoria!

Oracion: Mi Hesus, Sabiduria un Palabra cu ta yena nos cu speransa, yuda mi humiya mi mes mas y mas cada dia pa asina Sabiduria por haci
Su Trabao den mi bida y mi biba.
Amen.

SOLO

SUDOKU
MANIA

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		